

# Nossa raspada



CORPORAZIUN  
EVANGELICA  
VALSOT

*Quella speranza avain nus sco üna ferma e sgüra ancora da noss'orma. (Ebr 6,19)*

Allegra!

Sper la cretta e l'amur es la speranza üna da las trais virtüds cristianas. Sco cha'ls filosofs antics manajan, voula exercizi e pratcha per sviluppar quists aspets positivs da nos character, pensond daplü vi da curaschi, güstia, sabgentscha o temperanza co vi da quistas trais. Ma co es quai: As lascha exercitar la speranza? Dvantess lura la speranza ün'ancora amo plü ferma per noss'orma, uschè cha eir la plü gronda sfida in mia vita nu'm fess dubitar? La speranza es la persvasiun cha Dieu ans sa surprendre cun sia buntà. Quai regala a blers cristians e cristianas üna tenuta optimista, minchatant in situaziuns fich difficilas. M'expuoner simplamaing da cuntin a situaziuns greivas e far d'optimist bod in maniera naïva, nu farà però crescher mia speranza. Na, la speranza cristiana viva da tschellas duos virtüds: da la cretta chi vain plü ferma scha nus vivain cun Dieu in nos minchadi e d'amur chi vain partida tanter pêr. Cun amiaivels salüds,

rav. Christoph Reutlinger.

Pravenda evangelica

7559 Tschlin

tel. 081 866 32 63

www.valsot-ref.ch

## Cults divins mai 2026

*Dumengia, ils 3 mai*

10:00 Vnà, cult divin ed inauguraziun dal nouv orgel cun apero, cun Belinda Conradin e Roland Koch

rav. Christoph Reutlinger

*Ascensiun, ils 14 mai*

09:30 Ramosch

11:00 Tschlin, cun battaisem da Leana Janett

17:00 Martina

rav. Christoph Reutlinger

*Tschinquaisma, ils 24 mai*

(cun Soncha tschaina)

09:30 Ramosch

11:00 Vnà

17:00 Samignun

rav. Christoph Reutlinger

*Firà da Tschinquaisma, ils 25 mai*

(cun Soncha tschaina)

09:30 Strada

rav. Christoph Reutlinger

11:00 Tschlin

vicara Romana Giossi

## Giantar cumünaivel a San Niclà

i'l Cafè sper l'En

*Mercurdi, ils 20 mai* a partir da las 12:00.

Per plaschair s'annunzchar pro Cilgia Etter:

079 530 70 58

*Volver, per plaschair!*

## **Tanter anzas e plets – temp in cumpagnia**

Quist mais ans inscuntraina l'ultima jada i'l rom da meis proget da vicariat per cumpagnia e lavuors a man:

***Venderdi, ils 22 mai 2026, a las 14:00 ill'ustaria Tschlin***

Las ultimas eivnas vaina lavurà insembel vi d'üna cuverta, fat üna pruna quaderins (e sgüra vegnan amo pro ün pêr fin pro nos inscunter!). Quista jada pudaina uossa cusir insembel noss quaderins.

Tuots sun bainvgnüts ed invidats ad üna marena,

vicara Romana Giossi

## **Scolaziun**

Dals 4 als 6 mai n'haja ün cuors e sun in cas urgients raggiunds chibel sün meis telefonin, tel. 079 736 18 49.

Grazcha per l'incletta,

rav. Chr. Reutlinger